

中國經學

ZHONGGUO JINGXUE

第二十一輯



主編◎彭 林

■經學名家

《孔子世家》證辨 ○張錫恭遺稿

《儀禮正義》校勘記（卷一至卷五） ○王文錦遺稿

■易經研究

什麼是“五鹿充宗略說”？ ○辛德勇

《周易·革》九三“革言三就”考釋

——兼論楚簡本斷占辭“貞厲”之異文問題 ○謝向榮

■三禮研究

孫詒讓《周禮正義》鄭非經旨、賈非鄭意辨 ○葉純芳

《儀禮》簠豆方位考 ○高瑞傑

《禮記·經解》通論類連續四篇中之儒學思想發展

——結合戰國簡文與《荀子》之討論 ○林素英

■經學文獻

淺談寫本文獻學在傳世文獻校勘中的作用

——以《禮記正義》為例 ○郅同麟

經籍傳刻與異文演變

——以《春秋穀梁傳注疏》為中心 ○張麗娟

■小學研究

鄭玄稱引《爾雅》考

——兼論“《爾雅》成書於鄭玄之後”說 ○王 利

從祭部獨立看古音學之演進 ○陸 燕

■經師研究

沈文倬先生研究文獻目錄 ○李澤棟 陳東輝

讀向熹《段玉裁與〈詩經〉訓詁》 ○李雄溪

大膽假設，小心求證：野間文史教授及其經學研究 ○[日]工藤卓司

■書訊·書評

《中華禮藏》陸續出版

《〈儀禮·喪服〉服叙變除圖釋》簡介

《錫瑞全集》所收經學稿本及其價值估略 ○林慶彰

記 ○彭 林

廣西師範大學出版社
GUANGXI NORMAL UNIVERSITY PRESS



中國經濟學

—第二十一輯—

主編◎彭林

進書題



GUANGXI NORMAL UNIVERSITY PRESS

广西师范大学出版社

·桂林·

圖書在版編目 (CIP) 數據

中國經學. 第 21 輯 / 彭林主編. —桂林: 廣西師範大學出版社, 2017.11

ISBN 978-7-5495-7903-7

I. ①中… II. ①彭… III. ①經學—研究—中國
IV. ①Z126

中國版本圖書館 CIP 數據核字 (2017) 第 294661 號

廣西師範大學出版社出版發行

(廣西桂林市五里店路 9 號 郵政編碼: 541004)
網址: <http://www.bbtpress.com>

出版人: 張藝兵

全國新華書店經銷

衡陽順地印務有限公司印刷

(湖南省衡陽市雁峰區園藝村 9 號 郵政編碼: 421008)

開本: 787 mm × 1 092 mm 1/16

印張: 15.5 字數: 250 千字

2017 年 11 月第 1 版 2017 年 11 月第 1 次印刷

印數: 0 001~1 500 冊 定價: 88.00 圓

如發現印裝質量問題, 影響閱讀, 請與印刷廠聯繫調換。

編委會 (按姓氏筆劃排列)

池田秀三	京都大學大學院文學研究科
林慶彰	臺灣“中央研究院”文哲所
夏長樸	臺灣大學中文系
陳鴻森	臺灣“中央研究院”史語所
野間文史	廣島大學大學院文學研究科
彭 林	清華大學歷史系
葉國良	臺灣大學中文系
單周堯	香港能仁書院
喬秀岩	北京大學歷史系
虞萬里	上海交通大學人文學院
趙伯雄	南開大學古籍所
鄧國光	澳門大學中文系

■主 編：彭 林

馬華晉殺之而絕其世其子木金父降為士木金
父生祁父祁父生防叔為華氏所偏奔魯為防大
夫故曰防叔防叔生伯夏伯夏生梁紇叔梁紇
生仲尼

穆弓夫子之母名微在

襄公二十一年公羊傳十有一月庚子生孔子

穆弓作庚子孔子生云傳文上有十月無此句按作

十月也一本曰十一月庚子又本無此句按作

是也

襄公二十一年穀梁傳庚子孔子生上經此傳在
下則亦十月也

江氏永曰公羊穀梁去聖未遠當少有據經書十

月朔辰朔年有食之則庚子者十月二十一日也
公羊謂十一月庚子則誤矣朱子論語序說既引
史記不得不依其生年然以公羊之十一月庚子
條則亦誤二千二年七月有辛酉二十三年二月
癸酉朔日食以此推前月日則庚戌歲十一月當
甲辰朔不得有庚子矣竊謂孔子生年當以二傳
為信月日當以穀梁為信

錫恭按孔子生年孔氏廣收據世祖庭廣記引世
本以為史記全據世本然世本亡於宋南渡而
祖庭廣記成於宋理宗時金哀宗宋又引書轉

太史公自序子曰吾欲載之空言不如見之行事
之深切著明也
明歲于路或於衛
檀弓孔子哭于路於中庭有人弔者而夫子拜之
既哭遣使者而問故使者曰臨之矣遂命覆醢
哀公十四年公羊傳于路死于曰噫天祝予
孔子病于貢請見孔子方負杖逍遙於門曰賜汝來
何其晚也孔子因歎歌曰泰山壞乎梁柱摧乎哲人
萎乎因以涕下謂子貢曰天下無道久矣莫能宗予
夏人殯於東階閭人於西階閭人兩柱間昨暮子夢

年夢生翼兩柱之間子殆殷人也後七月卒孔子年
七十三以魯哀公十六年四月己丑卒哀公諱之曰
旻天不弔不整遺一老俾屏余一人以在位嗟余
一人以在位反嗚呼哀哉尼父母自律子貢曰君其
不沒於魯乎夫子之言曰禮失則昏名失則愆失志
爲昏失所爲愆生不能用死而謀之非禮也稱余一
人非名也孔子葬魯城北泗上

檀弓孔子之喪公西赤爲志馬飾棺牆置嬰設披
周也設堂殿也綢繆設施夏也注夫子雖殷人兼
用三王之禮尊之

目 錄

■經學名家

《孔子世家》證辨	1	張錫恭遺稿
《儀禮正義》校勘記(卷一至卷五)	13	王文錦遺稿

■易經研究

什麼是“五鹿充宗略說”?	45	辛德勇
《周易·革》九三“革言三就”考釋 ——兼論楚簡本斷占辭“貞厲”之異文問題	53	謝向榮

■三禮研究

孫詒讓《周禮正義》鄭非經旨、賈非鄭意辨	69	葉純芳
《儀禮》簠豆方位考	91	高瑞傑
《禮記·經解》通論類連續四篇中之儒學思想發展 ——結合戰國簡文與《荀子》之討論	105	林素英

■經學文獻

淺談寫本文獻學在傳世文獻校勘中的作用 ——以《禮記正義》為例	129	邵同麟
經籍傳刻與異文演變 ——以《春秋穀梁傳注疏》為中心	147	張麗娟

■小學研究

鄭玄稱引《爾雅》考 ——兼論“《爾雅》成書於鄭玄之後”說	163	王 利
從祭部獨立看古音學之演進	185	陸 燕

■經師研究

沈文倬先生研究文獻目錄	195	李澤棟 陳東輝
讀向熹《段玉裁與〈詩經〉訓詁》	203	李雄溪
大膽假設,小心求證:野間文史教授及其經學研究	213	[日]工藤卓司

■書訊·書評

《中華禮藏》陸續出版	44	
《〈儀禮·喪服〉服叙變除圖釋》簡介	52	
《皮錫瑞全集》所收經學稿本及其價值估略	233	林慶彰
編後記	237	彭 林

Contents

Textual Research on <i>Hereditary Family of Confucius</i>	ZHANG Xigong
Collating Notes on <i>Yili Zhengyi</i> 儀禮正義	WANG Wenjin
On the Nature of <i>Wuluchongzong Lueshuo</i> 五鹿充宗略說	XIN Deyong
A Study of the Phrase “ <i>Ge Yan San Jiu</i> ” 革言三就 in Explaining the Third Line of the <i>Ge</i> Hexagram - and the Discrepancy in Divinatory Statement “ <i>Zhen Li</i> ” 貞厲 among the Traditional Version and the Bamboo Slip Manuscripts of the <i>Zhouyi</i> 周易	TSE Heungwing
Analysis of SUN Yirang’s Assertion in <i>Zhouli Zhengyi</i> 周禮正義 that ZHENG Xuan Misread the Classics and JIA Gongyan Misread Zheng’s Annotation	YEH Chunfang
The Research of Bian 籩 and Dou’s 豆 Location in <i>Yili</i> 儀禮	GAO Ruijie
Confucianism Thought Development in <i>Jingjie</i> 經解 and Relevant Chapters in <i>Liji</i> 禮記	LIN Suying
On the Role of Transcript Philology in the Collation of Hand-written Documents: A Case Study of <i>Liji Zhengyi</i> 禮記正義	GAO Tonglin
The Printing History of Confucian Classics and the Variation of Classic Texts: Centering on <i>the Spring and Autumn Annals with Guliang Commentaries</i>	ZHANG Lijuan
A Study of ZHENG Xuan’s Overt Citation of <i>Erya</i> 爾雅 with a Discussion to the Claim that ZHENG Preceded <i>Erya</i> in Time	WANG Li
The Development of Ancient Phonology: A Study of the Independence of Rhyme <i>Ji</i> 祭	LU Yan
Bibliography of Studies on Prof. SHEN Wenzhuo	LI Zedong & CHEN Donghui
Some Discussions on XIANG Xi’s <i>DUAN Yucai and Exegesis of Shijing</i> 詩經	LEE Hungkai
The Studies of Chinese Classics of Prof. FUMICHIKA Noma	KUDO Takushi
Book Review: The Complete Works of PI Xirui	LIN Chingchang

《孔子世家》證辨

婁縣張錫恭遺稿 後學林振岳整理

孔子生魯昌平鄉陬邑……姓孔氏。

昭公七年《左傳》，見下文。

桓公二年，及其大夫孔父。《穀梁傳》：孔氏，父字，謚也。或曰：其不稱名，蓋爲祖諱也。孔子故宋也。

《詩·那序》正義引《世本》云：宋潛公生弗甫何，弗甫何生宋父，宋父生正考甫，正考甫生孔父嘉，爲宋司馬，華督殺之，而絕其世。其子木金父降爲士。木金父生祁父，祁父生防叔，爲華氏所偪，奔魯，爲防大夫，故曰防叔。防叔生伯夏，伯夏生叔梁紇，叔梁紇生仲尼。

《檀弓》：夫子之母名徵在。^①

襄公二十一年《公羊傳》：十有一月庚子，孔子生。（阮氏元《校勘記》：“《釋文》作‘庚子孔子生’，云：‘傳文上有十月庚辰朔，此亦十月也。一本作十一月庚子，又本無此句。’按，作十月者是也。”）

襄公二十一年《穀梁傳》：庚子，孔子生。（按：此傳在上經冬十月下，則亦十月也。）

江氏永曰：《公羊》、《穀梁》去聖未遠，當必有據。經書十月庚辰朔，日有食之。則庚子者，十月二十一日也。《公羊》謂十一月庚子，則誤矣。朱子《論語序說》既引《史記》，不得不依其生年，然以《公羊》之十一月庚子係之，則亦誤。二十二年七月有辛酉，二十三年二月癸酉朔日食，以此推前後月日，則庚戌歲十一月當甲辰朔，不得有庚子矣。竊謂孔子生年當以二傳爲信，月日當以《穀梁》爲信。

錫恭案：孔子生年，孔氏廣牧據《祖庭廣記》引《世本》，以爲《史記》全據《世本》。然《世本》亡於宋南渡，而《祖庭廣記》成於宋理宗時（金哀宗正大

^① 案：《檀弓》條原稿接上條空兩格連寫，天頭有張氏批語：“《檀弓》一條當另起行。”今據另起行。

中),轉展援引,非本原書。況宋人引書時有孱改,故不敢據以為說云。

丘生而叔梁紇死……然後往合葬於防焉。

《檀弓》:孔子既祥,五日彈琴而不成聲,十日而成笙歌。注:不成聲,哀未忘也。十日則踰月且異旬也。祥亦凶事,用遠日。五日彈琴,十日笙歌,除由外也。琴以手,笙歌以氣。

孔子要經……孔子由是退。

崔氏述曰:按禮,居喪者三年,不飲酒食肉。小功總麻,飲酒食肉,不與人樂之。酒肉尚不肯飲食,況敢受大夫之饗乎?輕喪尚不與人樂之,況重喪乎?聖人必不如是。

孔子年十七……懿子與魯人南宮敬叔往學禮焉。

司馬氏貞曰:昭七年《左傳》云“孟僖子病不能相禮,乃講學之,及其將死,召大夫”云云。按:謂病者不能禮為病,非疾困之謂也。至二十四年僖子卒,賈逵云“仲尼時年三十五矣”,是此文誤也。(司馬氏貞著《史記索隱》。)

是歲季武子卒……嘗為司職吏而畜蕃息。

《索隱》:“季氏史”有本作“委吏”。

《孟子》:孔子嘗為委吏矣,曰“會計當而已矣”。嘗為乘田矣,曰“牛羊茁壯長而已矣”。

昭公十七年《左傳》:郟子來朝,公與之晏,昭子問焉,曰:“少皞氏鳥名官,何故也?”郟子曰:“吾祖也,吾知之。”仲尼聞之,見於郟子而學之。既而告人曰:“吾聞之天子失官,學在四夷。猶信。”

錫恭按:夫子適周與南宮敬叔偕,敬叔師事夫子,在孟僖子卒後。僖子之卒在昭公二十四年,此在十七年,必在適周之前,故附著於此。

由是為司空……弟子稍益進焉。

崔氏述曰:昭公二十四年,孟僖子始卒,敬叔在衰經中,不應適周。敬叔以昭公十二年生,至是年僅十三,亦不能從孔子適周。至明年而孔子已不在魯,魯亦無君之可請矣。由是言之,謂敬叔從孔子適周而魯君與之車馬者,妄也。

錫恭案:崔氏據《左傳》以駁《史記》,可為《左傳》干城矣。然《史記》前

以敬叔爲魯人，則此事本不從《左傳》也。其說不妨并存。

是時也……欲以通乎景公。

崔氏述曰：余按《春秋傳》，高昭子名張唁魯昭公，稱爲主君，阿景公意。輔孺子荼，卒爲陳乞所逐。其不肖如是。《孟子》曰“觀遠臣以其所主”，況於爲之臣乎？子禽問於子貢曰：“夫子至於是邦也，必聞其政，求之與？抑與之與？”子貢曰：“夫子溫良恭儉讓以得之。”若孔子果爲家臣以通乎時君，則非但求之，且卑身以求之矣。子貢之言，一何謬與？且前云景公與晏嬰來適魯，問孔子云云，景公說。孔子已早通乎景公、晏子矣，亦何待於爲高昭子之家臣乎？

與齊大師語樂……齊人稱之。

《說苑》：孔子至齊郭門之外，遇一嬰兒，挈一壺相與俱行。其視精，其心正，其行端。孔子謂御曰：“趣驅之，趣驅之，韶樂方作。”於是至而聞韶，學之，三月不知肉味。曰：“不圖爲樂之至於此也。”

景公問政孔子……孔子遂行。

《孟子》：孔子之去齊，接淅而行。^①

《檀弓》：延陵季子適齊，於其反也，其長子死，葬於贏、博之間。孔子曰：“延陵季子，吳之習於禮者也。”往而觀其葬焉。其坎深不至於泉，其斂以時服，既葬而封，廣輪揜坎，其高可隱也。既封，左袒，右還其封且號者三，曰：“骨肉歸復于土，命也。若魂氣則無不之也，無不之也。”而遂行。孔子曰：“延陵季子之於禮也，其合矣乎。”（鄭注以爲魯昭公二十七年事。）

《韓詩外傳》：孔子遭齊程本子於郟之間，傾蓋而語終日。有間，顧子路曰：“由來，取（依孫氏《集語》補‘來取’二字。）束帛十匹以贈先生。”子路不對。有間，又顧謂曰：“取束帛十匹以贈先生。”子路率爾而對曰：“昔者由也聞之於夫子，士不中道相見。女無媒而嫁者，君子不行也。”孔子曰：“夫《詩》不云乎：‘野有蔓草，零露漙兮。有美一人，青陽宛兮，邂逅相遇，適我願兮。’且夫齊程本子天下之賢士也，吾於是而不贈，終身不之見也。大德不踰閑，小德出入可也。”

反乎魯……莫不受業焉。

① 《孟子》、《檀弓》兩條原稿鈔在《韓詩外傳》之後，《孟子》條下有張氏案語：“此條及下條當移置《韓詩外傳》條前。”今據置前。

《新序》：孔子在州里，篤行孝道，居於闕黨，闕黨之子弟畋漁分有親者得多，孝以化之也。是以七十二子自遠方至，服從其德。

定公八年……然亦卒不行。

《索隱》：“蓋周文武起豐鎬而王”下注曰：此言桓譚以爲誣。

其後定公以孔子爲中都宰，一年，四方皆則之。

《檀弓》：夫子制於中都，四寸之棺，五寸之槨。注：爲民作制。

由中都宰爲司空。

江氏永曰：魯孟孫爲司空，此爲司空之貳也。

由司空爲大司寇。

定公元年《左傳》：秋七月癸巳，葬昭公於墓道南。孔子之爲司寇也，溝而合諸墓。

《新序》：魯有沈猶氏者，旦飲羊飽之，以欺市人。公慎氏有妻而淫，慎潰氏奢侈驕佚，魯市之鬻牛馬者善豫賈。孔子將爲魯司寇，沈猶氏不敢朝飲其羊，公慎氏出其妻，慎潰氏踰境而徙，魯之鬻馬牛不豫賈，布正以待之也。

《春秋繁露》：北方者水，執法司寇也。司寇尚禮，君臣有位，長幼有序，朝廷有爵，鄉黨以齒，升降揖讓，般伏拜謁，折旋中矩，立而磬折，拱則抱鼓，執衡而藏，至清廉平，賂遺不受，請謁不聽，據法聽訟，無有所阿，孔子是也。爲魯司寇，斷獄屯屯，與衆共之，不敢自專。是死者不恨，生者不怨。

《孟子》：孔子之仕於魯也，魯人獵較，孔子亦獵較。萬章曰：“然則孔子之仕也，非事道與？”曰：“事道也。”“事道奚獵較也？”曰：“孔子先簿正祭器，不以四方之食供簿正。”曰：“奚不去也？”曰：“爲之兆也。兆足以行矣，而不行而後去。”

定公十年春……於是齊侯乃歸所侵魯之鄆、汶陽、龜陰之田以謝過。

張氏守節曰：故謝城在龔邱縣東七十里。齊歸侵魯龜陰之田以謝魯，魯築城於此，以旌孔子之功，因名謝城。（張氏守節著《史記正義》。）

定公十年《左傳》：公會齊侯于祝其，實夾谷。孔某相。犁彌言於齊侯曰：“孔某知禮而無勇，若使萊人以兵劫魯侯，必得志焉。”齊侯從之。孔某以公退，曰：“士兵之。兩君合好，而裔夷之俘以兵亂之，非齊君所以命諸侯也。裔不謀夏，夷

不亂華，俘不干盟，兵不偪好。於神爲不祥，於德爲愆義，於人爲失禮，君必不然。”齊侯聞之，遽辟之。將盟，齊人加於載書曰：“齊師出竟，而不以甲車三百乘從我者，有如此盟。”孔某使茲無還揖，對曰：“而不反我汶陽之田，吾以共命者，亦如之。”齊侯將享公，孔某謂梁邱據曰：“齊、魯之故，吾子何不聞焉？事既成矣，而又享之，是勤執事也。且犧、象不出門，嘉樂不野合。饗而既具，是棄禮也。若其不具，用秕稗也。用秕稗，君辱。棄禮，名惡。子盍圖之？夫享，所以昭德也。不昭，不如其已也。”乃不果享。（江氏永曰：夾谷事以左氏爲信。）

定公十三年夏……弗克。

崔氏述曰：按《春秋》經傳皆定十二年事，《世家》在十三年，文誤。

何氏休《公羊解詁》曰：郈，叔孫氏所食邑。費，季氏所食邑。二大夫宰吏數叛，患之，以問孔子，孔子曰：“陪臣執國命，采長數叛者，坐邑有城池之固，家有甲兵之藏故也。”季氏說其言，而墮之。

定公十四年……於是誅魯大夫亂政者少正卯。

《荀子》：孔子爲魯攝相，朝七日而誅少正卯。門人進問曰：“夫少正卯，魯之聞人也，夫子爲政而始誅之，得無失乎？”孔子曰：“居，吾語女其故。人有惡者五，而盜竊不與焉：一曰心達而險，二曰行辟而堅，三曰言僞而辯，四曰記醜而博，五曰順非而澤。此五者有一於人，則不得免於君子之誅，而少正卯兼有之。故居處足以聚徒成群，言談足以飾邪營（營，《尹文子》作螢。）衆，彊足以反是獨立，此小人之桀雄也，不可不誅也。是以湯誅尹諧，文王誅潘止，周公誅管叔，太公誅華仕，管仲誅付里乙，子產誅鄧析、史付，此七子者，皆異世同心，不可不誅也。《詩》曰：‘憂心悄悄，愠于群小。’小人成群，斯足憂矣。”

與聞國政三月……皆予之以歸。

《孟子》：於季桓子見行可之仕也。

《公羊傳》：孔子行乎季孫，三月不違。

《呂氏春秋》：孔子始用於魯，魯人驚誦之曰：“麋裘而鞞，投之無戾。鞞而麋裘，投之無郵。”用三年，男子行乎塗右，女子行乎塗左，財物之遺者，民莫之舉。

齊人聞而懼……夫子罪我以群婢故也夫。

《孟子》：孔子去魯，曰：“遲遲吾行也，去父母國之道也。”

又：孔子爲魯司寇，不用，從而祭，燔肉不至，不稅冕而行。不知者以爲爲肉也，其知者以爲爲無禮也。乃孔子則欲以微罪行，不欲爲苟去。君子之所爲，衆人固不識也。

《琴操》：《龜山操》者，孔子所作也。齊人饋女樂，季桓子受之，魯君閉門不聽朝。當此之時，季氏專政，上僭天子，下畔大夫，賢聖斥逐，讒邪滿朝。孔子欲諫不得，退而望魯。魯有龜山蔽之，譬季氏於龜山，託勢位於斧柯。季氏專政，山之蔽魯也。傷政道之陵遲，閔百姓不得其所，欲誅季氏而力不能，於是援琴而歌云：“予欲望魯兮，龜山蔽之。手無斧柯，奈龜山何。”

錫恭按：孟子論孔子去魯之故，衆人不能識，若如“彼婦”之歌，雖季桓子亦識之矣。此爲可疑。而《琴操》所載《龜山操》，亦爲去魯而作，而詞絕不同，豈歌與操爲夫子同時並作耶，抑此歌因彼操而依託爲之也。今故並錄《琴操》，以待學者考定焉。

《史記》此篇以定公十四年前夫子未與聞國政，十四年後始與聞國政。三月而治行，旋即去魯，詞旨甚明。江氏永、崔氏述、臧氏庸皆據《年表》及《魯世家》，以爲在十二年，恐非。

孔子遂適衛……去衛。

《孟子》：於衛主顏雝由。彌子之妻與子路之妻，兄弟也。彌子謂子路曰：“孔子主我，衛卿可得也。”子路以告。孔子曰：“有命。”

《檀弓》：夫子失魯司寇，將之荆，蓋先之以子夏，又申之以冉有。

將適陳……然後得去。

《說苑》：孔子之宋，匡簡子將殺陽虎，孔子似之，甲士以圍孔子之舍。子路怒，奮戟將下鬪。孔子止之曰：“何仁義之不免俗也。夫《詩》、《書》之不習，《禮》、《樂》之不修也，是某之過也。若似陽虎，則非某之罪也。命也夫。由歌，子和汝。”子路歌，孔子和之，三終而甲罷。

江氏永曰：《史記》謂“使從者爲甯武子臣於衛，然後得去”，謬甚，此時豈有甯武子。

去即過蒲……桓魋其如予何。

《孟子》：孔子不悅於魯衛，遭宋桓司馬將要而殺之，微服而過宋。

孔子適鄭……然哉。

江氏永曰：“喪家之狗”，舊解爲有喪家之狗。（《韓詩外傳》亦爲此解。）今按：“喪”當讀去聲，言周遊四方，若失家之狗無所歸也。

孔子遂至陳……於是孔子去陳。

《孟子》：是時孔子當阬，主司城貞子，爲陳侯周臣。趙注：陳侯周，陳懷公子也。爲楚所滅，故無諡。（錫恭案：陳懷公子，《史記》作湣公越。）^①

《韓詩外傳》：子路與巫馬期薪於韞邱之下。陳之富人有處師氏者，脂車百乘，觴於韞邱之上。子路與巫馬期曰：“使子無忘子之所知，亦無進子之所能，得此富，終身無復見夫子，子爲之乎？”巫馬期喟然仰天而嘆，闔然投鎌於地，曰：“吾嘗聞之夫子：‘勇士不忘喪其元，志士仁人不忘在溝壑。’子不知予與？試予與？意者其志與？”子路心慚，負薪先歸。孔子曰：“由來，何爲偕出而先返也？”子路曰：“向也由與巫馬期薪於韞邱之下，陳之富人有處師氏者，脂車百乘，觴於韞邱之上。由謂巫馬期曰：‘使子無忘子之所知，亦無進子之所能，得此富，終身無復見夫子，子爲之乎？’巫馬期喟然仰天而嘆，闔然投鎌於地，曰：‘吾嘗聞之夫子，勇士不忘喪其元，志士仁人不忘在溝壑。子不知予與？試予與？意者其志與？’由也心慚，故先負薪歸。”孔子援琴而彈。《詩》曰：“肅肅鵠羽，集于苞栩。王事靡盬，不能蓺稷黍。父母何怙？悠悠倉天，曷其有所。”

過蒲……孔子行。

《孟子》：孔子於衛靈公，際可之仕也。

佛肸爲中牟宰……作爲《陬操》以哀之。

《琴操》：《將歸操》者，孔子之所作也。趙簡子循執玉帛以聘孔子，孔子將往，未至，渡狄水，聞趙殺其賢大夫竇鳴犢，喟然而歎之曰：“夫趙之所以治者，鳴犢之力也。殺鳴犢而聘余，何某之往也？”於是援琴而鼓之云：“翱翔於衛，復我舊居，從吾所好，其樂只且。”（《水經注》五引《琴操》作“孔子臨狄水而歌曰：‘狄水衍兮風揚波，舟楫顛倒更相加。’”）

錫恭案：狄氏子奇《孔子編年》以此事爲在定公十四年，而曰陬即昌平鄉陬邑也。是時孔子實反魯，故定十五年有子貢觀朝禮、哀元年有吳使人至魯

① 《孟子》條原在《韓詩外傳》之後，天頭有批語：“此條當置《韓詩外傳》前。”今據置前。

問骨節兩事。此說俟考。(巧合,不必存。)

而反乎衛……已而果然。

服氏虔曰:桓釐當毀,而魯事非禮之廟,故孔子聞有火災,知其加桓釐也。

秋,季桓子病……因誡曰“即用,以孔子爲招”云。

《索隱》:再有“歸與”之辭者,前辭出《孟子》,此辭見《論語》,蓋止是一稱“歸與”,二書各記之,今前後再引,亦失之也。

崔氏述曰:此後乃有適蔡之事。余按《論語·爲衛君章》冉有、子貢問答之詞,皆似在衛之時有所諱而不敢深言者。若冉有果從孔子反衛,則必無自陳歸魯之事矣。子曰:“從我於陳蔡者,皆不及門也。”記者因記弟子姓名,凡十人,而冉有與焉。記云“將之荆”,蓋先之以子夏,又申之以冉有。歷觀所云,皆似冉有始終相從於陳蔡間者。然則冉有歸魯,當在反衛之後,不當在桓子甫卒之時也。

冉求既去……孔子自蔡如葉。

江氏永曰:“蔡始封在今汝寧之上蔡縣,其後平侯徙汝寧之新蔡縣,皆與陳相近。新蔡在陳南。哀二年……”(此事甚可鉤稽。)

葉公問政……然後得免。

《孟子》:君子之厄於陳蔡之間,無上下之交也。

《檀弓》:夫子將之荆,蓋先之以子夏,又申之以冉有。^①

江氏永曰:朱子之辨確矣。然《論語》雖記絕糧於去衛後,亦非初至陳之時。《論語》云“從我於陳蔡”,《孟子》云“君子之厄於陳蔡之間”,言“間”者,兩地相接之處。陳,即今陳州府。蔡始封在今汝寧之上蔡縣,其後平侯徙汝寧之新蔡縣,皆與陳相近。新蔡在陳南,夫子哀二年至陳,若非適蔡,則不得至陳蔡之間。哀二年十二月,蔡昭侯畏楚,遷于吳之州來。州來之蔡城,今在鳳陽府壽州北三十里,與陳相距數百里,中間隔絕,亦不得言陳蔡之間也。然則絕糧陳蔡之間,當在哀四年自陳遷蔡時,指故地上蔡言之耳。蔡既遷,則故蔡地皆屬於楚。是時楚昭王賢,葉公亦賢,夫子欲用楚,故如蔡如葉。(葉今南陽府葉縣。)按哀四年傳云:“楚左司馬販、申公壽餘、葉公諸梁致葉於負函。”十六年傳云:“葉公在蔡。”蓋故蔡邑,葉

^① 《檀弓》條原在“江氏永曰”條後,天頭有張氏批語:“此條當置江氏說前。”今據置前。

公兼治之。夫子自陳如蔡，就葉公耳，與蔡國無涉也。”《論語》記在陳絕糧，別一時事，不必即在去衛如陳之年也。

昭王將以書社地七百里封孔子……昭王乃止。

《索隱》：古者二十五家爲里，里則各立社，則書社者，書其社之人名於籍。蓋以七百里書社之人封孔子也，故下冉求云“雖累千社而夫子不利”是也。

其秋，楚昭王卒于城父……無所苟而已矣。^①

《孟子》：於衛孝公公養之仕也。（崔氏述曰：朱子以孝公爲輒。余按《春秋經傳》衛人立輒，十六年正月衛侯輒來奔。公養之爲輒，無可疑者。輒亡在衛，故稱出公，出非謚也。輒之字，蓋史逸之矣。衛人既以蒯賁得罪於靈公，而輒之拒之爲是，則謚之爲孝，亦無足怪。）^②

其明年……孔子之去魯凡十四歲而反乎魯。

徐氏廣曰：此哀公十一年也，去吳會繒已四年矣。

《索隱》：前文孔子以定公十四年去魯，計至此十三年。《魯系家》云定公十二年孔子去魯，則首尾計十五年矣。^③

《琴操》：《猗蘭操》者，孔子所作也。孔子歷聘諸侯，諸侯莫能任，自衛反魯，過隱谷之中，見薺蘭獨茂，喟然歎曰：“夫蘭當爲王者香，今乃獨茂，與衆草爲伍，譬猶賢者不逢時，與鄙夫爲倫也。”乃止車援琴鼓之云：“習習谷風，以陰以雨。之子于歸，遠送于野。何彼蒼天，不得其所。逍遙九州，無有定處。世人闇蔽，不知賢者。年紀邁逝，一身將老。”自傷不逢時，託辭於薺蘭云。^④

魯哀公問政，對曰：“政在選臣。”季康子問政，曰：“舉直錯諸枉，則枉者直。”康子患盜，孔子曰：“苟子之不欲，雖賞之不竊。”然魯終不能用孔子，孔子亦不求仕。

《儒行》：孔子至舍，哀公館之。注：儒行之作，蓋孔子自衛初反魯時也。孔子歸至其舍，哀公就而禮館之，問儒服，而遂問儒行。

《左傳》：季孫欲以田賦，使冉有訪諸仲尼。仲尼曰：“某不識也。”三發，卒曰：

① 天頭有批語：“‘而已矣’當補於衛孝公云云。”

② 《孟子》條原在下段《索隱》條下，天頭有批語：“此條移前‘苟而已矣’下。”今據置此。

③ 此處有案語云：“此下補《琴操》一條。”

④ 《琴操》條原在下段《左傳》條下，天頭有批語：“此條移上頁引《索隱》條下。”今據置此。